

**Telefoneqarnermut kiffartuussinermik
atuisunut malitassat**

- Atuisut ataasiakkaat –

Januar 2014

Imai

1. Atuisunut malitassat atuuffiat.....	3
2. Pisariaqartinneqartut.....	3
3. TELE-p pilersuisussaataitanera	3
4. Atuisunut isumaqatigiissut.....	4
5. Atuisup akisussaaffia	4
6. Atuisup sumiginnaanera (TELE-p matusisinnaatitanera).....	4
7. Atuutilerfia	4

1. Atuisunut malitassat atuuffiat

Ingerlatseqatigiiffiup akuersissummik pigisaqarnera naapertorlugu TELE-mit neqeroorutigineqartumut telefonaqarnermut kiffartuussinermik atuinermut atuisunik ataasiakkaanik aamma inuussutissarsiummik ingerlatalinnik minnerusunik isumaqatigiissutinut atuisut immikkut malitassaat tulliuuttut atuupput, TELE-p Atuisunik ataasiakkaanik kiffartuussineranut ingerlatsineranullu Atuisunut malitassanut nalinginnaasunut tapertatut.

Allamik immikkut taasaqartoqarsimangippat, malitassat uku PSTN-imik aamma/imaluunniit ISDN-imik kiffartuussissuteqarnertut aammattaaq atuupput.

2. Pisariaqartinneqartut

Atuisunik matumuuna isumaqatigiissuteqarnermi atuisinnaasoqartariaqarpoq TELE-p telefonaqarnermut kiffartuussivianut attaveqarsinnaatitsiffiata iluani. TELE-p attaveqarsinnaatitsiffianik paasisutissiisoqarsinnaavoq TELE-mut saaffiginninnikkut. Atuisoq – isumaqatigiissuteqarnerup nalaani kingusinnerusukkulluunniit – TELE-p attaveqarsinnaatitsiffianik atuisinnaangippat, TELE kiffartuussissummik pilersuinissaminut pisussaaffeqanngilaq.

3. TELE-p pilersuisussaaitaanera

3.a. PSTN

PSTN atorlugu telefonaqarnermut kiffartuussivimmik atuisut immikkut ittumik tapiliussamik atuisunngorsinnaapput, atuisoq minnerpaamik ataatsimik akilertakkaminik PSTN-imik atuisuffeqareersimappat. Najukkami B-normoqarfiusumi ataatsimi tapiliussamik ataatsimik taamaallaat atuisunngortoqarsinnaavoq.

Tapiliussamik atuisuunerup atuisoq periarfissippaa telefonimut allamik ataatsimik attavittaarnissaanut, tassungalu akilerneqassapput attavilerneqarnermut nalinginnaasumik aki aammalu oqaluussinertut atukkat, kisiannili atuisuunerup akiliut akilerneqassanani. Tapiliussamik atuisunngortoqartarpoq tamatigut najukkami ikkussiffiusussami aamma atuisup PSTN telefoniata normoqataanut. Tapiliussamik atuisunngortoqartarpoq nammineq immikkut telefonnormulimmik, taannalu akiliinikkut telefonnormunut allanut ilanngunneqarsinnaavoq. Tapiliussamik atuisuuneq allanik akikillisaavigineqarsinnaananilu nioqqutinik allanik ilaneqarsinnaanngilaq, soorlu internetimik telefonaqarnermilluunniit nalinginnaasumik.

3.b. ISDN-imut kiffartuussivik

ISDN-imik atuisuunerup pineqarput kiffartuussiviup digitalikkut attaveqaataanut (ISDN-imut attaveqaatinut) attaviliinerit ataasiakkaat amerlanerusulluunniit, taakkualu attaveqaatip iluani ilassutitut kiffartuussiviusunut atuisumillu atorneqarsinnaatinneqartunut periarfissiisutaasarpud, kiisalu ilassutitut kiffartuussissutinik allanik atuisunngornissamut periarfissiisarlutik.

ISDN (Integrated Service Digital Network) tassaavoq nalunaarasuartaateqarnermi digitali atorlugu attaveqaat oqalunnernik, naqitanik, paasisutissanik assilissanillu nassiussissutigineqarsinnaasoq. ISDN2-mik aamma ISDN30-mik atuisunngortoqarsinnaavoq.

- ISDN2-mi kanalit oqaloqatigiinnertut atortartut marluk 64 kbit/s-inik sakkortussusillit (B-kanalit) aamma signalinut kanali ataaseq 15 kbit/s-imik sakkortussusilik (D-kanali) atugassiissutigineqartarput.
- ISDN30-imi kanalit oqaloqatigiinnertut atortartut 30-it 64 kbit/s-imik sakkortussusillit (B-kanalit) aamma signalinut kanali ataaseq 64 kbit/s-imik sakkortussusilik (D-kanali) atugassiissutigineqartarput. ISDN30 aatsaat pissarsiarineqarsinnaavoq, PABC-inut atortunik toqqaannartumik atassuteqaasiinertut atatillugu.

TELE-mut akuersissuteqarneq naapertorlugu attaviit allanut attartorteqqeqqusaanngillat.

3.c. Atortut/kiffartuussinerit

Atuisuunerup toqqarneqartumut tunngasumi TELE-p nioqqutai pillugit naqitami, atortut/kiffartuussiviit sorliit atuisup atorsinnaanerai takuneqarsinnaapput. Taakku tassaasinnaapput:

- Ingerlatitseqqinneq (atuisoq Kalaallit Nunaanni nunamiluunniit allami telefonianut ledningilimmu imaluunniit mobilnormuanut ingerlatitseqqissinnaanerani periarfissinneqarpoq)

- Kasuttorneq (telefoni atornerqarpat atuisoq nammineertumik kalerrinneqassaaq sianertumik allamik utaqqisoqartoq)
- Oqaloqateqartilluni oqaloqatissamut allamut nuunneq (oqaloqatigiinneq utaqqigallartunngorneqarsinnaavoq telefonnormumullu allamut sianertoqarsinnaalluni, allamillu oqaloqatiginnereeraanni oqaloqatigisamut siullermut uterfiginnittoqarsinnaalluni)
- Aalajangersimasumut sianertartunngortitsineq (telefonip oqaluttarfia kivinneqaruni nammineertumik normumut aalajangersimasumut sianissaaq)
- Paasiuminaallisaalluni mattussisneq (paasiuminaallisaatit toortarneqanngippata telefoni sianertumik mattussissaaq)

Taakku saniatigut atuisoq akiliilluni atortunik/kiffartuussinernik allanik atuisinnaavoq, taakkulu tassaasinnaapput:

- Oqaluussisimanernut takussutissaaq, normut sianerfiusimasut allattornerat ilanngullugu
- Telefonip attavianik nuussineq
- Telefonnormumik allanngortitsineq
- Atuisuunermik tunniussineq

4. Atuisunut isumaqatigiissut

Atuisumik isumaqatigiissusiornissaaq TELE-mit itigartitsissutigineqarsinnaavoq, atuisoq kiffartuussivinnik TELE-p akuersissutaa naapertorlugu atuisimanerminut atasumik TELE-mut akiitsoqareersimappat.

TELE-mit qinnutigineqarneratigut atuisoq kinaassutsiminik, taamatullu paasissutissat eqqortuunerannik uppersaasinaassaaq. Kinaanermik uppersaasatit assitallit atornissaat piumasarineqarsinnaavoq. Najugarisani allanngorpat atuisoq pisussaavoq erngerluni tamanna TELE-mut nalunaarutigissallugu.

5. Atuisup akisussaaffia

Atuisuunermut normu kiisalu kodit/normut allat atuisuunermut attuumassutillit TELE-mit atugassiarineqarput. Paasissutissanik taakkuninnga allat atornerluinerat atuisup akisussaaffigaa.

Atuisutut normu aammalu kodit/normut allat atugassanngorlugit TELE-mit atukkiunneqartut TELE-p pigisarai aammalu atuisumut tunngasunik susassaqarnerup uninnerani utertinneqartussatut isigineqarlutik.

Atuisup telefoneqarnermut kiffartuussivimmik atuneq nammineq akisussaaffigaa, tassungalu tunngatillugu TELE pisuni tamani annaasaqartittussaanaq.

6. Atuisup sumiginnaanera (TELE-p matusisinnaatitaanera)

Ingerlatseqatigiiffiup akuersissummik pigisaqarnera naapertorlugu telefoneqarnermut kiffartuussivimmik TELE-p neqeroorutigisaanik atuisoq atuinermi pisussaaffimminik annertuumik sumiginnaappat, TELE atuisup kiffartuussivimmik atuinernik mattussisinnaatitaavoq. Tamanna tunngavigalugu telefoneqarnermut kiffartuussivimmik mattussineq, piffissamut pineqartumut akiliummik appaaffineq ajorpoq.

Qulaani allasimasut naapertorlugit atuisup attavia matuneqarsimappat, atuisuunermut isumaqatigiissut TELE-p ilimasaaruteqaqqaarnani atorunnaarsissinnaavaa. TELE-p tamanut atuuttumik malitassiaani sumiginnaanermut aalajangersakkat aammattaq atuupput.

7. Atuutilerfia

Malitassat pineqartut Nalakkersuisunit akuerineqarput atuutinneqalerlutillu ulloq 14. februar 2014.